

তুণীর

BANGLADARSHAN.COM  
কুমুদরঞ্জন মল্লিক

## ভ্রমর ও মাকড়সা

জাল বোনো তুমি, জাল বোনো তুমি,  
কোনো কাজ নাহি আর হে।  
আমার উপর মধুর ধরায়  
মধু বিলাবার ভার হে।  
বসন্ত মোর অন্তরঙ্গ,  
শুনাই তাহারে জলতরঙ্গ,  
ফুলের পাড়ায় বীণা বাজাইয়া  
ফিরি আমি আনিবার হে।

২

সমীরের ঘায় নিতি ছিঁড়ে যায়  
যত বার বোনো জাল হে।  
আঁধারে এবং আড়ালে বসিয়া  
গোঁয়াইলে কত কাল হে।  
তুমি যে কুটিল, নহ'ত সরল,  
মুখ দিয়া শুধু উগারো গরল।  
ওৎ পেতে একা বসে আছ শুধু।  
ভাঙ্গিতে মাছির ঘাড় হে।

৩

ভীতিময় নিতি করি' বনবীথি  
জাল বুনে তুমি যাও হে।  
সোজা পথে পাছে চলে যাবে কেউ  
সেই পথে বাধা দাও হে।  
আঁধারের জীব, হীনতার দাস,  
শুধু লুকাচুরি, প্রেতের আবাস,  
তোমার সূতায় বাঁধা যে পড়িল  
উদ্ধার নাহি তার হে।

আমি মৌমাছি, ফুল নিয়ে আছি  
তাই করিয়োনা ভুল হে,  
ছুটাইতে পারি মধুর লহর  
ফুটাইতে পারি হুল হে।  
পারিনে ক বটে বুনিতে হে জাল  
মশা মাছিদের করিতে নাকাল,  
অমর না হই ভ্রমর যে আমি  
ধারি অমৃতের ধার হে।

BANGLADARSHAN.COM

# বামন-শিশু

বামন-শিশু খোট্ ধরেছে  
ধরবে চাঁদে ধরবে;  
সুধার ধারা উজার করে  
পেটের ক্ষুধা ভরবে।  
দাঁড়িয়ে এক টিপির পরে,  
বিকট স্বরে চেষ্টায়ে মরে।  
বেনু বনের পাশেই যে চাঁদ  
ভাবছে কি তার করবে?

২

রে উদাহ, উজল জগৎ  
যাহার কিরণ-পুঞ্জ,  
কুমুদ নিশিগন্ধা ফোটে  
নিসর্গেরি কুঞ্জে,  
মহাসাগর উথলে উঠে,  
পৌর্ণমাসীর বন্যা ছুটে,  
আনন্দেতে স্তব্ধ ধরা  
সুধার ধারা ভুঞ্জে।

৩

ওই মুঠিতে ধরবি তারে  
হাসছে দেখে দেশটা,  
অবোধ রে তুই বুঝবি না ত  
বিফল যে তোর চেষ্টা।  
শম্ভু যারে মাথায় ধরে,  
আরতি যার বিশ্ব করে,  
'বামন' নহিস বামন শিশু  
ধরবি তারে শেষটা।

# সমজদার

ওগো পুরবাসী, উলাইয়া লও  
করনাক দেরী আর,  
দয়া করে আহা দুয়ারে এসেছে  
সরেস সমজদার।  
লাল গোলাপের পাপড়ি চাখিয়া  
বলে 'হেলেধগ' ভাল।  
শালগমে করি মাল্য-রচনা  
প্রতিভা দেখায়ে গেল।  
তৈলের জোরে চন্দন চেয়ে  
বটে এড়ুও দামী,  
কোদালের সাথে চলিতে লেখনী  
কোপ দেখে গেছে থামি।  
ফলের মধ্যে তাল জিতিয়াছে  
যেহেতু বৃহৎ আঁঠি।  
কাস্তে ঠোকারে বুঝিতে পেরেছে  
ঘুটিং গোমেদ খাঁটি।  
অশ্বখ বট নেহাৎ অসৎ  
যেহেতু নাহিক কাঁটা,  
'মেটে' আছে বলে পশুরাজ হ'ল  
অতীতের বোকা পাঁটা।  
ভেঁড়ার শৃঙ্গ পরখ করিয়া  
বলেছে হীরকে মেকী,  
বাণীর বীণাকে গীতের গমকে  
হারাইয়া দেছে ঢেকী।  
মুদার কাছে 'মোহমুদার'  
একদম গেছে কেঁদে  
বেউর বংশ 'রঘুবংশ'কে

BANGLADARSHAN.COM

ঘুরালো ঢিকিতে বেঁধে।  
আরশোলা দেছে হারায় আতরে  
দাপটে কাঁপায়ে মহী,  
যন্ত্রের মাঝে হয়েছে কেবল  
হামাল-দিস্তা' জয়ী।

আসিয়াছে ভাই নিরেট জহুরী  
বলিহারী গুণপণা,  
নিজ চর্মের চামুটীতে ঘ'সে  
কসিয়া দেখিছে সোণা।

চিবায় মুক্তা হাসিয়া বলিছে  
ভুটার চেয়ে কড়া,  
শুভ্র চামর টেরায় পাকায়ে  
ভাঙ্গিছে গরুর দড়া।

মহলদারের তুলদাঁড়ি নিয়ে  
ছুটিয়ে বেড়ায় ক্ষেপা,  
বোঝেনা বেখুপ 'হন্দর' দিয়ে  
প্রতিভা যায় না মাপা।

BANGLADARSHAN.COM

# আগড়া

যতন করে রতন তুমি মিলালে ভারী,  
রক্ষতা তার উখো ঘসে সারাতে নারি।  
সাত শতবার রেঁদা দিয়ে,  
ঠাই ঠিকানা পাই না যে হে,  
দিস্তে দুতিন শিরীষ কাগজ হলো সাবার-ই।

২

এমনতর আগড়াতে আগর কি চলে,  
ভোমর ভাঙে গুমর ভাঙে হাত যে পিছলে।  
হাড় হাবাতে ঘরের ঢেকী  
আন্দামানী আঁকড়ো একি?  
চাই দুটা মণ সাজিমাটা করিতে খাড়ি।

৩

এই বেলুনে যায় কি বেলা কচুরি লুচি!  
হয় মতিচূর সিঁড়ির লাডুর ঝাঝরাতে বুঝি!  
বিশ নম্বুরে সূতার কবে,  
মিহি ঢাকাই মসলিন হবে!  
রুল টানিতে খেজুর গড়ে কপাল আমার।

৪

চলে এতে 'রোলার' দে'য়া কাদানে পথে  
দাবী ইহার পানিভুতের পা দানী হতে।  
করতে নরম ঝুনোট ঝামা,  
পারব না ক' করণ ক্ষমা  
বন্ধু নহে, বন্ধুর এটা অকর্ম্মার খাড়ি।

৫

কইত 'পলিন' পালিসে এর জলুষ দেখি না,  
ভাবছি এটা গলবে টাটার 'ফারনেসে' কি না!  
হ'তে পারে ঢালাই কড়া।

ডাম্বেল এবং দুমুশ গড়া,  
নায়ের নোঙ্গর হয়ে দিতে গঙ্গাতে পাড়ি।

৬

ইস্পাত এতে নেইক মোটে 'নিব'ত হবে না,  
ঠেঁটা বটে, টেঁটা হ'লে ভারতী স'বে না।  
আনা এটা আন্সাতেতে  
হ'বেনা ক ল্যানসেট্ এতে  
কড়াত নহে খাঁজকাটা এ পিতল কাটারি।

BANGLADARSHAN.COM



# মুচিরাম গুড়

(বঙ্কিম বাবুর মুচিরাম গুড়ের জীবনী পাঠান্তে লিখিত। বঙ্কিম বাবু নিজে ডেপুটি ম্যাজিস্ট্রেট ছিলেন কিন্তু মুচিরাম গুড়ের ন্যায় নিকৃষ্ট শ্রেণীর লোকও তখন কেবলমাত্র তোষামুদীর বলে ঐ পদ পাইয়াছিল। এখনো মুচিরাম শ্রেণীর হাকিম দুঃপ্রাপ্য নহে)

ধন্য তুমি, পুণ্য তুমি, হে মুচিরাম গুড়।  
মহাকবির মস্ত হাকিম, আসামীর মুগুর।  
বিদ্যা বুদ্ধি নাই,  
রক্ষা তবু তাই,  
সরস্বতীর গর্ভ কর এক ঘায়েতে চুর।

২

হাবলা তুমি ভ্যাবলা তুমি মস্ত তুমি সঙ,  
তোষামোদের তোষাখানা আস্ত জবরজঙ।

My lord ব'লে,  
হাকিম তুমি হ'লে  
নইলে তুমি চৌমাথাতে বেচতে চানাচুর।

৩

ঘুনসিপরা মুন্সী তুমি, বুদ্ধি ক্ষুরের ধার,  
লাঙুলটী যে দেননি বিধি কেমন কৃপা তাঁর?

চরণ চাটার জোরে  
মানুষ গেলে গড়ে,  
একেবারে খেতাব পেলে 'লাঙলা বাহাদুর।'

৪

রাসভ খাঁটী পরিপাটী ঘুসের বেলা হয়  
সাধুদিগের উপপুবে তোমার দিবস যায়।

দেমাক তোমার ভারী  
হাজত দিতে পারি,  
হাজত বাসের সম্ভাবনা তোমার যে প্রচুর।

# বিচারকের বিচার

(সত্য ঘটনা, এই বিচারকের নাম অনেকেরই পরিচিত; ঘুসের মামলায় দুই বৎসর ইহার কারাবাস হয়। প্রসিদ্ধ উকীল মৌলভি ইয়াসিন সাহেবের নিকট গল্পটি শুনিয়েছি)

জবর হাকিম করেন বিচার,  
বিচার আসনে বসি',  
আইনের তিনি বেসাতি করেন  
প্রতি গ্রামে গ্রামে পশি।  
রেলেতে চড়িয়া দেন না মাশুল  
লোকে নানা কথা কয়,  
দ্রব্য বেচিয়া মূল্য চাহিলে  
দেখান জেলের ভয়।  
শিষ্ট দমন দুষ্ট পালন  
করিতে নিপুণ ভারী,  
তোষামোদে তিনি পুরা ওস্তাদ  
মুখে আছে ভূয়া জারি।  
অবহেলে কারও ট্যাক্স বাড়ান  
কাহারো মারেন রুটী,  
সাধু চোর হয় বিচারে তাঁহার  
করে মাথা কুটাকুটি।  
এস্তাজ মিঞা গ্রামের মোড়ল  
সাধু সজ্জন অতি,  
কি কারণে হয় হাকিম চটিল  
সহসা তাঁহার প্রতি।  
হুক্মারে তাঁর করেনিকো ভয়  
করেছিল প্রতিবাদ,  
যেমনে হউক হাকিম এবার  
মিটাবে তাহার সাধ।

BANGLADARSHAN.COM

মামলায় এক আসামী হয়েছে  
এন্তাজ মিঞা বুঝি।

এতদিন পর ব্যাঘ্র তাহার  
শীকার পেয়েছে খুঁজি।

হাতকড়ি দিয়া মনের সাথেতে  
ঘুরাইল সারা গ্রাম,  
লাঞ্ছনা তার বহুৎ করিল  
বিধি যেন তারে বাম।

হইল ফাটক তিন মাস তার  
হাকিমের বাহুবলে,  
আপীলে হেলয়ে খালাস পাইল  
নিজের পুণ্য ফলে।

এন্তাজ থাকে মরমে মরিয়া  
বিনাদোষে জেল খাটি,  
আল্লার পরে এত নির্ভর  
একেবারে হ'ল মাটি।

একেমন হয় পড়ে সে কোরাণ  
জলে উঠে চোখ ভিজে,  
বিচারের কথা বুঝিতে পারেনা  
ভাবে একমনে কি যে।

দুর্বল হিয়া আশা না পাইলে  
কেমন করিয়া বাঁচে?  
কাঁদে আর বলে আল্লা আছেন  
এখনো আল্লা আছে।

গেছে দুবরষ হাকিম প্রবল  
বদলী হয়েছে কবে,  
ভিতরের তার রোগের বীজাণু  
কয়দিন চাপা রবে।

BANGLADARSHAN.COM

তাহার ঘুমের গোপন কাহিনী  
পশেছে সবার কাণে,  
ধর্মের ঢাক আপনিই বাজে  
চিরদিন লোকে জানে।

BANGLADARSHAN.COM

## পশু-প্রশস্তি

নমামি তোমারে মায়ের বাহন  
নমামি সিংহ সিংহী,  
বটত ব্টিশ রাজার প্রতীক,  
না হও নন্দী ভৃঙ্গী।  
কখনো দয়াল, কভু 'ভাসুরক',  
হতে পার তুমি, যখন যা সখ,  
চেনে ক্রীতদাস 'এঞ্জোকিলিস'  
তুমি পশুরাজ-ধিঙ্গি।

২

হে বৃক, ব্যাঘ্র হে ভীম ভয়াল  
সুন্দর বনচন্দ্র,  
কিবা উজ্জ্বল চক্ষু যুগল  
গুরু গর্জন মন্দ!  
যেমন হিংস্র, তেমন পেটুক,  
ফেউ সনে তব দ্বন্দ্ব মিটুক,  
'যোগ' তব ঘরে বসতি করুক  
মিটে যাক সব ধন্দ।

৩

তুমি ভল্লুক মধুর পিয়াসী  
কপিথ ফল ভক্ত।  
তুমি 'সসেমিরে' নিঃশ্বাসে শোষ  
জীবের বুকের রক্ত,  
নাকে দড়ি দিয়া হা'ঘরে নাচায়,  
পশু সনে রাখে ভরিয়া খাঁচায়  
'খোয়াব' দেখে সেথা শুয়ে শুয়ে  
কোথায় রুষের তক্ত।

৪

তুমি গঞ্জার হাতে মর তার,  
ভাঞ্জার যার ভোগ্য,  
কঠিন চর্ম্মে ফোটোনাক শূল  
তুমি দৈত্যের যোগ্য।  
'কালীর পাকের' হাতে দাও ঢাল,  
কত লোকে তুমি কর নাজেহাল,  
কোনো দেবতার নহত বাহন  
হবেনা কি তব মোক্ষ?

৫

নমি হে শৃগাল পরম চতুর  
প্রবীণ পঞ্চতন্ত্রে,  
দীক্ষিত তুমি অদ্য ভক্ষ্য  
ধনুর্ভণে'র মন্ত্রে।  
টক্ আঙুরের ধারনাক ধার,  
বোকা ছাগলের শৃঙ্গে বিহার,  
সব জ্ঞান তব নিমেষে ফুরায়  
শিয়ালমামার মন্ত্রে।

৬

তুমি কুকুর বুলডগ্ আর  
ব্রাড্ হাউণ্ডের গোষ্ঠী,  
কভু বেঁড়ে কভু লাঙ্গুল সনাথ  
যাচ্ছি অন্ন-মুষ্টি।  
কভু দীনবেশে চরণে লুটাও,  
কখনো কুটিল দন্ত ফুটাও,  
বিশ্বাসী প্রভুভক্ত তুমি হে  
অল্পেতে তব তুষ্টি।

৭

তুমি হনুমান রামের মিত্র  
আমের আবিষ্কর্তা

মর্তমানের পরম মানদ

পেঁপে ও পেয়ারা হর্তা।

শুনিয়াছ তুমি রামায়ণ গান

আমি কবিতার কিবা দিব মান

সব তরু মোর হ'ক ফলবান

পড়ুক তোমার পরতা।

৮

কত নাম লব, মানবে পশুতে

বেশী ভেদাভেদ নাইত,

একই জগৎ-পিতার পুত্র

সে হিসাবে ভাই-ভাইত।

কেহ লভিয়াছে দেবের চরণ,

কেহ লভিয়াছে দেবের শরণ,

আমার দুয়ের কিছুই মেলেনি

ভাবিতেছি বসে তাইত।

BANGLADARSHAN.COM

# জলহস্তীর প্রতি

বিংশ শতাব্দীতে হেতা তোমার আগমন,  
একটু যেন অসময়ে একটু অশোভন।  
'বিষ্ণুশর্মার' আমলেতে আস্তে যদি তুমি,  
উঠতো হয়ে সরগরম এই বিপুল জলা-ভূমি।  
ভড়কাতো সব আনকো মানুষ যায় না কিছু বুঝা,  
হয়ত তুমি পেতে পারতে ঐরাবতের পূজা!

২

হয়ত তুমি ঠাই লভিতে রাজহস্তী শালে,  
হবুচন্দ্র মহারাজার জয়পত্র ভালে।  
হয়ত তুমি পেতে একটা মহাবনের ভার  
অজগরের সঙ্গে মিশে তুলতে হাহাকার।  
হ'ল নাক কিছুই তোমার মিটলো নাক সাধ  
এমন করে তোমার সনে সাধ্লে বিধি বাধ।

৩

দীর্ঘ শোভন দন্ত নাহি নাইক সরল গুঁড়,  
দেবতা চড়ার পিঠ নাহিক শক্তি সে প্রচুর।  
জন্ম তোমার হোয়েল-হাওর-বাড়বাগ্নির দেশে  
ভুল করেছ হে জানোয়ার অসময়ে এসে।  
থাকার চেয়ে যাওয়ায় তোমার কিঞ্চিৎ উপকার  
ভাব্বে সবে প্রাচীন যুগের জন্তুটা নাই আর।



# অথ বিড়াল কথা

বিড়াল বলে উদ বিড়াল  
শোনো আমার খুড়ো।  
নিলাজ মানুষ সামনে বসে  
চিবায় মাছের মুড়ো।  
চাইতে গেলে কাঁটা  
অমনি দেখায় ঝাঁটা,  
যা করে হ'ক ও দি'কে বাপ  
দিতেই হবে হুড়ো।

২

ষষ্ঠী দেবীর বাহন মোরা  
গো বাঘাদের মামা,  
শেষ কালে কি এমনি করে,  
রইব চাপা ধামা!  
আমার ছেলে হিঁদুর  
আর খাবনা হিঁদুর  
দুধটা জলো পয়সা যে নেই  
কিনতে দেশী ভুরো।

৩

দেখিয়ে হয় মৎস্য খাবে  
আমরা কোথা যাব।  
খাম্কা কি ছাই আমড়া আঁটি  
আমরা চুষে খাবো।  
কণ্ঠী বরং পরে  
রেল গাড়ীতে চড়ে।  
মাধুকরী মেগে ব্রজের  
ধর্মশালায় ঘোরো।

৪

উদবিড়াল হায় মুচকি হেসে  
বলছে শোনো বাছা,  
ওরা চালায় রান্না শুধু  
আমার রাঁধা কাঁচা।  
আমি চালাই জলে,  
তুমি চালাও স্থলে,  
মাছের ওরা ছাঁচ পাবেনা  
ইলসে গুঁড়ির গুঁড়ো।

৫

বৎস যেমন চলছে যদি  
চালাস পূরা দমে,  
মৎস্য মরে বিড়াল হবে  
বংশ যাবে কমে।

ভবিষ্যতের কথা  
চিন্তা করাই বৃথা,  
ঝাঝুরি কি হাঁড়ির ভিতর  
যা পারি তাই লুড়ো।

BANGLADARSHAN.COM

# ঐটুলি-মঙ্গল

জয়তু ঐটুলি তুমি, ধন্য দেশ থাক তুমি যথা,  
স্থিতি তব দীর্ঘ বটে দীর্ঘতর স্থিতিস্থাপকতা।  
অতি বড় দীর্ঘশৃঙ্গ হেলেরেও ঘাল কর তুমি  
ষণ্ডের পৃষ্ঠেতে ফের পুণ্যে তব পূর্ণ বঙ্গভূমি।  
পণ্ডিত প্লিনির চেয়ে তোমারও যে রোম রাজ্যে বাস  
নিরেট সজীব ঘাঁটা চিম্বে দুরন্ত ইতিহাস।  
যীশু ক্রশে প্রাণ দিল, অকালে গৌরাজ্জ তিরোভাব  
জীবনী শক্তির বটে তাঁহাদের আছিল অভাব।  
টিকে থাকা লেগে থাকা এইটাই ক্ষমতার কাজ  
হে ঐটুলি দেশটাকে তুমিই শিখালে তাহা আজ।  
লাথি কিম্বা শতমুখী পারেনা তোমারে তাড়াইতে  
প্রবল তুঁষের ধোঁয়া দেওয়া-ত তোমাকে বল দিতে।  
সাঁজালি পঁাজালি নুটী তোমারিত বাড়ায় সৌরভ  
নমো নমো হে ঐটুলি গোবৃন্দের তুমিই গৌরব।

BANGLADARSHAN.COM

# সর্বসত্ত্ব-সংরক্ষিত

কীট বলে আমি যেথা সেথা যাই  
গুটী পাকাইয়া মরি,  
মানুষের লাগি রেশম তসর  
গোটা প্রাণ দিয়া গড়ি।  
কপাল মন্দ নাহিক সন্দ  
কার্য কেবলি বেঁধা,  
পাতা খাই বটে যেই পাতে খাই  
সে পাত করিনে ছেঁদা

২

পশু বলে আমি বহি নর-নারী  
খাটি তাহাদের লাগি,  
গায়ের পশম দান করে দিই  
প্রতিদান নাহি মাগি।  
আবার কখনো বাগে পেলে তারে  
ঘাড় মট্কায়ে মারি,  
প্রাণ নিই বটে ধন মান তার  
লইনে কখনো কাড়ি।

৩

পাখি বলে আমি গান গেয়ে ফিরি  
পিঁজরায় রাখে ধরি,  
নির্বোধ নই যত্ন করিলে  
পড়াইলে আমি পড়ি।  
সুরটা কিন্তু পাল্টাতে নারি  
দিব্ না যতই টাকা,  
এ সব সত্ত্ব সংরক্ষিত  
মানুষের তরে একা।

# আজগুবি

ভট্টাচার্য্য পড়েছে এক  
মুরগী চুরির মামলাতে।  
শুনছি নাকি ফাটক হবে  
বলছে যত শামলাতে।  
পক্ষ প্রখর বুদ্ধিমান  
দিচ্ছে ক'সে খুব প্রমাণ  
গোল্লারা সব লাফিয়ে পড়ে  
ফুট রসেরি গামলাতে।

২

সব্যসাচী গিয়েছিলেন  
তদন্তে হায় দেখছি যা,  
গাণ্ডীব তাঁর তুচ্ছ করে  
আনতে ডোমের ডেক্‌চীটা।  
সত্য নাকি কাণ্ডটা  
মদের মেয়ার ভাণ্ডটা,  
হরতে গিয়ে গরুড় পাখি  
পারলেনা আর সামলাতে।

৩

ভাবছ এ সব মিথ্যা খাঁটী  
মাটির ধরায় বুঝবে কে?  
দেখছনা ক দেশটা ভরে  
উঠছে কেবল উজবুকে।  
সুরভি গাই নিত্য যান,  
রুধির ধারা করতে পান,  
দেখলে তারে সেখ আর কাজি  
কসাই খানায় হামলাতে।

# উকীলের মমী

(Mr. Sampson Brassএর প্রতি, ইনি Dickens' Old Curiosity Shopএর একটি অপূর্ব সৃষ্টি। ইনি উকীল ছিলেন, তাঁহার বংশ এখনো লোপ পায় নাই)

পাঁকাটির ঠ্যাঙে      ইঁদুরের মাথা  
চেহারাটা কিবে ডিগমিগে,  
Brobdignag      Dickenএর দেশে  
দেখতে পেলাম এ পিগমি (Pigmy) কে।  
আইনি ব্যাভার      গুরু শঠতার  
রঙ ঢঙে বল কম কিহে?  
খাসা কড়কায়      চাষা ভড়কায়  
গড় খাই বসে জমকিয়ে।  
কাঞ্চন লোভে      বঞ্চনা করে  
অর্থই ভাবে সার মনে,  
কণ্ঠের বাঁকা      'হারমণি' গুণে  
হাঁড়িচাঁচা যায় হারমেনে।  
পিণ্ডি উদোর      ঘাড়েতে বুধোর  
চাপানো ভাবেনা নিন্দারি  
এক সাথে এয়ে      সর্প শূকর  
বর্গী ঠগী ও পিণ্ডরী।

BANGLADARSHAN.COM

# রঘুনন্দন ডাক্তারের অভিনন্দন

(একজন হীন শ্রেণীর মোক্তার, দাশরথিকে এক সময় অপ্রতিভ করিবার জন্য বাজে জেরা করেন; ইহাতে কবি রুষ্ট হইয়া এই ভাবে তাহাকে উত্তর দেন)

ফেরি করা ফড়ে তুমি গুটকী এবং মোক্তার,  
দণ্ডবিধির দুপাত পড়ে ছটকে হলে মোক্তার।  
আইনের যে মাইন তুমি বেহায়ারি হদ্দ,  
পুচকে আনি মূল্য তোমার পেচী মাতাল বদ্ধ।  
প্রাইমারী ফেল নাইক ভাল বর্ণমালার জ্ঞানটা,  
জিভটা তোমার দরাজ বটে অধিক দরাজ কানটা।  
খোস্তা খেকো দন্তবিহীন বৃদ্ধ টোড়া সর্প,  
কামড়াতে চাস বিষটা কোথায় বৃথায় রে তোর দর্প।  
শিবের গায়ে ফেলবে খুতু কে আর তুমি ভিন্ন,  
চড়াই চেয়ে জিতেদ্রিয় কেঁচোর চেয়ে ঘৃণ্য।  
নহ নহ হে বানর তুমি অধিক কি আর বলবো,  
ময়লা-বহা মোষের ঘাড়ে বৃথায় ঘৃত ডলবো।  
সময় পেলে জিভটা এবং কাণটা তোমার মাপবো,  
কাণমলাটা খেলাৎ দিলাম যেটা তোমার প্রাপ্য।

BANGLADARSHAN.COM

# অপূর্ব সৌভ্রাত

“প্রাণাধিক ভাই মেল চোক মেল বারেক কলম ধরি,  
আমি দাদা তোর এনেছি কাগজ দাও নাম সই করি।”  
দারুণ বিকারে ঘুমায় বিঘোরে যুবা এক সুকুমার,  
পাশেতে বসিয়া কাঁদিয়ে তরুণী প্রিয়তমা প্রিয়া তার।  
ডাক্তার হয় দিয়াছে জবাব কোনো আশা নাহি আর,  
অবকাশ লয়ে এসেছে দেখিতে স্নেহময় দাদা তার।  
গ্রামেতে দারুণ উঠিয়াছে শোক সব চোখে আঁখি-নীর,  
বড় ভাই শুধু দারুণ বিপদে সাধুর মতন স্থির।

২

কোনো আশা নাই বলেছে সকলে কাঁদিয়া কি ফল আছে,  
কাগজ কিনিয়া অতি সত্বর গেল উকীলের কাছে  
জীবন-মরণ ধরুণীর গতি, পুরাতন-বাস-ছাড়া,  
অবুঝ মানবই বিধির বিধানে হয় রে আত্মহারা!  
গলেতে ধরিয়া তুলসীর মালা, শিরেতে ধরিয়া টিকি,  
ক্ষণিকের লাগি এমনি বিভল ভকতে সাজায় একি?  
বাঁচিবে যদি রাখিতে হইবে বিষয় আসয় বুঝি,  
নয়ন মুদিলে সকলি আঁধার হরিণাম শুধু পুঁজি।

৩

ঘরের লক্ষ্মী আদরের ধন দুখিনী ভ্রাতৃজায়া,  
বাপের গৃহেতে যাইতে দিব-না কাটায়ে মোদের মায়া।  
পিতা যে তাঁহার বিষম বিষয়ী ভ্রাতা যদি যায় মরে,  
ক্ষুদ্র বিষয় অচিরে লইবে চুল-চিরে ভাগ করে।  
কাজেই অগ্রে সাবধান হওয়া বিজ্ঞ জনের কাজ,  
ভ্রাতার সহিটা করাইয়া রাখি উহাতে নাহিক লাজ।  
প্রাণের সোদর তাহার রমণী থাকিতে বিষয় মোর,  
যাবেকি উপোস? তাহারি যে সব, ঝরে পড়ে আখিলোর।



মুমূর্ষু ভাই সহি করি দিল সাক্ষী হইল কেহ,  
 বাক্সে দলিল বন্ধ করিয়া উথলে ভ্রাতার স্নেহ।  
 কাঁদিয়া লুটায়, “ভাইরে, ভাইরে আমি দাদা আগে মরি,  
 তুমি-হারা হয়ে শূন্য জগতে রহিব কেমন করি।  
 ভবনের কোনো পাষণ প্রতিমা তখনো বুঝেনি কিছু,  
 স্বামীর জীবন ভিক্ষা মাগিছে মাথাটা করিয়া নীচু।  
 হরির শ্রবণে তাহার মিনতি পশিতে হলনা দেৱী  
 বিকারের ঘোর দুদিনে কাটিল চেতনা আসিল ফিরি।

লভি আরোগ্য দলিলের কথা শুনে যবে ছোটভ্রাতা,  
 বারেকের তরে ফুটিলনা মুখে একটিও কোনো কথা।  
 ত্যজি ঘরবাড়ী গেল সে বিদেশে ব্যবসায় হল ধনী,  
 প্রবাসী হইল সে দিন হইতে গ্রামের নয়ন-মণি।  
 বড় ভাই বলে গ্রামের বিষয় এসো লবে ভাগ করি,  
 বলিল অনুজ, “দিনু আপনাকে নিজেই কলম ধরি।  
 একই জীবনে নূতন জীবন লভিয়াছি আমি দাদা,  
 ও-পোড়ো জমির পূরা লও তুমি চাহিনাক আমি আধা।”

# বিপত্নীকের বিয়ে

শ্রাবণের গগণেতে  
ডাকে মেঘ দুর্ দুর্,  
বিরহীর হিয়া হয়  
বিরহেতে ভরপুর।  
ছবি আজ প্রাণ পায়  
মুক গায় গীত যে,  
চিরদিন প্রণয়ের  
প্রণয়ীর রীত এ।  
বলেছিলে দাবানল  
জ্বলছিল বক্ষে,  
এত আহা, এত উহ  
এত স্মৃতি, হা-হতাশ,  
ঘুচে গেল মুছে গেল,  
নাহি যেতে দুটো মাস!  
মনে যদি ছিল সখা  
সেই লোক হাসাবে,  
জীবনের ভাঙ্গা টবে  
রাঙ্গা গাছ বসাবে,  
মনে যদি ছিল সখা  
পুরাতন খাঁচাতে,  
খঞ্জনা কিনে এনে  
হবে পুন নাচাতে?  
মনে যদি ছিল প্রিয়  
চাই ফিরে মরালী,  
তবে কেন গড়া শোক  
এত দূর গড়ালি?  
বক ছিল চুপ করে  
আঁখি জলে দাঁড়িয়ে,

BANGLADARSHAN.COM

ওই দূরে চলে যায়  
মীন রাণী ঘাড়ায়ে?  
গাঁটকাটা গাঁটছড়া  
লোকে ভাল বলে কি?  
ভাল বলে ছলনা-টা  
ছালনার তলে কি?  
হংসেতে চাপি পুনঃ  
চড়িবে কি ময়ূরে?  
জানো তুমি ছলা-কলা  
বহুরূপী বহু রে।  
আজ দেখি মুখে তব  
হাসি আর ধরে না,  
ম্লান তার মুখখানি  
মনে আর পড়ে না।  
আঁটিছ নূতন ছবি  
পুরাতন ফ্রেমে হে,  
দেখে আমি কেঁদে মরি  
ধিক্ তব প্রেমে হে।

BANGLADARSHAN.COM

# হোলকার-হুল্লোড়

মমতাজ লাগি তাজ হারায়েছি  
মিলারের লাগি মিলিয়ন,  
আমি Brahmin Bull হয়ে ফিরি  
কাজ নাই মোর bullion.  
ইন্দোর আমি তোমরা জানতো  
কাছাকাছি বটি ইন্দোর,  
দুটি চক্ষুতে ভুলায় যে মোরে  
হাজার চক্ষু নিন্দোর।  
‘হেলেন’ হরিয়া ‘প্যারিস’ অমর  
চিনেছে ভদ্র ইতরে,  
‘পদ্মিনী’ কোথা ‘আলা’র আলোয়  
চিতায় বেড়িল চিতোরে।  
রূপের জহুরী রূপা চেয়ে আমি  
দামী মনে করি রূপসী,  
চাঁদি পেয়ে চাঁদে ভুলেনা চকোর  
তার চেয়ে ভাল উপস-ই।  
শত বরষের পরে আমাদের  
কথা ভাবিবে-না কেহ-ত,  
মাটি ও আঙুণে মাটি হয়ে যাবে  
এত আমাদের দেহ-ত!  
যতক্ষণ মেঘে আছে রামধনু  
নাচি ততক্ষণ পুলকে,  
ফোটা ফুল লয়ে খেলা করে যাই  
যা বলে বলুক কু-লোকে।  
তপসী হইয়া চলিতে নারাজ  
সাপু-স্বরগের সড়কে,  
রাজি আছি আমি জীবনে মরণে  
নারী সহ যেতে নরকে।

BANGLADARSHAN.COM

প্রেম বল আর লালসাই বল  
আমি পতঙ্গ ধরাতে,  
রূপের আশুগে পুড়িয়া মরিনু  
এ মোহ নারিনু এড়াতে।  
অবোধ হরিণে রূপ-মরীচিকা  
ঘুরায়ে মারিল মরণেতে,  
রাঙা হিন্দোলা দাগি দিল দাগা  
মড়ক আনিল তরুতে।  
রূপ কুহেলিকা গোলক ধাঁধায়  
ফেলেছি নিজে হারিয়ে,  
পতিতপাবন তোল এ পতিতে  
দূরে আর কেন দাঁড়ায়ে।

BANGLADARSHAN.COM

# মিস্ মেয়োর মর্দানী

(এই মার্কিণ স্ত্রীলোক হিন্দু-নারীর এক বিকৃত-কল্পিত-জঘন্য চিত্র অঙ্কিত করিয়াছে)

‘ভারত-মাতা’ নয়ত ওটা  
তোমার মাথা-মুণ্ড,  
তামাক টানো সবাই জানে  
দেখছি টানো চণ্ড।  
বাদাবনের চিড়িং দেখে  
মৎস্য পুরাণ ফেললে লিখে,  
যোগের কথা কইলে তোমায়  
পাটের হাটের ‘কুণ্ড।’

২

বেদের বাড়ী মরলে ঘুরে  
বেদ ও পুরাণ বুঝতে,  
ধাপার মাঠে তোমার ভ্রমণ  
ধূপের ধোঁয়া খুঁজতে।

বইলে শুধু ভূতের বোঝা  
নর্দমাতে মুক্তা খোঁজা,  
সেওড়া গাছে বৃথাই গেলে  
দেবদেবীদের পূজতে।

৩

গৃধিনী পায় নাসায় কেমন  
মজ্জা মেদের গন্ধ,  
কোথায় পাবে হোমের সুবাস  
ফুলের মকরন্দ।  
মেছুনী হয় যাক না যেথা  
শটকী মাছের কইবে কথা,  
অধিকারী ভেদ বুঝিয়া  
করবো না আর দক্ষ।

আমেরিকা এবার থেকে  
হেতায় হবে ধন্য,  
তোমার এবং র্যাঁধটল সাপের  
জন্মভূমির জন্য।  
পাখীর মাঝে দেখলে ফিঞে  
ফলের মাঝে দেখলে বিঞে,  
আবজ্জনাই তোমার চোখে  
নেবার মত পণ্য।

BANGLADARSHAN.COM

# চড়াই-চৰ্পটী

(মহাকবি জয়দেবের কোনো এক নিন্দুকের প্রতি)

শুকের নামে দুখেই চটো  
সারীর নামে রাঙাও আঁখি,  
জয়দেবেরে জয় দিও না  
জিতেন্দ্রিয় চড়াই পাখী!  
স্বভাব যে হয় যায় না মলে  
হয় না তরু বেঙের ছাতা,  
শূয়া পোকা দেয়না রেশম  
খায় যদি সে তুঁতের পাতা।  
সার ডোবাতে দুধ দালিলে  
কাদাই যে হয়, হয় না ছানা,  
যজ্ঞ-হবি সেই কারণে  
জীব-বিশেষে দিতেই মানা।  
ঘেঁটু বনের ঘুটকে তুমি  
আপন মনে চেঁচিয়ে মর,  
কুহু শুনে কাজকি বাপু  
কিচি-মিচির ভাষ্য গড়।

BANGLADARSHAN.COM



# দৈত্যের দুঃখ

গিরি-চূড়া ভাঙ্গি আমি, গিরি দরী লজ্জি  
ধ্বংসের আমি চির-সঙ্গী,  
লালসের বিলাসের লীলা আমি জানি ঢের  
নিতি মোর নব নব ভঙ্গী।

২

মহুনে বাসুকীর ফণা ধরি জাপটী  
বুকে সহ সাহারার তাপটী,  
নীল বিষ পান করি জানিনে কি গান করি  
মানিনে-ক পুণ্য কি পাপটী।

৩

নিয়তির ক্রীড়নক অবিবেকী অন্ধ  
কংস ও আমি জরাসন্ধ,  
যেই পথ দিয়া যাই রচে যাই সুধু ছাই  
ভাঙ্গিতেই লভি যে আনন্দ।

৪

ভাঙ্গিতেই পটু আমি পারিনাক গড়তে  
মরিতেই আসিয়াছি মর্তে,  
সুষমার ঘটগুলি খালি করে পদে দলি  
সুধা দিয়ে পারিনাক ভরতে।

৫

চলে যাই হাসে লোকে বামে আর ডাইনে  
ঝোঁকে আমি কোনো দিকে চাইনে,  
ভয়ে কেহ করে পূজা ঘৃণা করে যায় বুঝা  
সবই পাই ভালবাসা পাইনে।

# দৈত্য ও পরী

ভয় দেখিয়ে সম্মান আদায় করা

দৈত্য-মশায় কেমন করে চলে,

ফুল ফোটানো বোঁটায় আঘাত দিয়ে

সফল কভু হয় কি ধরাতলে!

সাপকে এবং বাঘকে করি ভয়

খেপা কুকুর দেখলে পলাই যারে,

সম্মানী যে নয়ক অধিক তারা

জন্তু হউক বুঝতে তবু পারে।

কষ্ট যে জন অন্যে দিতে পারে

সেই যদি হয় তাহার চেয়ে বড়,

এমন তীখণ কণ্টক হয় ফেলে

ফুলের আদর তোমরা কেন কর?

দন্ত দেখায় উচ্ছে বসে বানর

উড়ো বায়স অনেক কিছু করে,

কইত দেখ সুদূর অতীত থেকে,

আদর তাহার করছে নাক নরে।

পীড়ন করা কাজটা প্রাচীন অতি

তাতে কিসে তারিফ পাবে তুমি,

শিশুপাল ও কংস আদির কথা

ভুলেনিত আজও ভারত-ভূমি।

তাহার চেয়ে হওনা ভাল নিজে

হিংস্র স্বভাব ত্যাগ করিয়া ফেল,

অমৃতময় উঠবে হয়ে ধরা

গরল খেয়েই প্রাণ যে তোমার গেল।

BANGLADARSHAN.COM

# কবি-অভিমानी

না ছাপায়ে পদ্য আমার  
পত্রিকারি মুখপাতে,  
পদ্য দিলে অন্য কবির  
(বুঝি) অহিফেণের মৌতাতে!  
কি গুণে তায় প্রথম দিলে  
কৈফিয়ৎ দাও এক্ষণি,  
কষ্টে আমার ওষ্ঠ কাঁপে  
দষ্ট হের সৃষ্ণী!

২

ষণ্ড-আমি সমালোচক  
গোময় মাথা-পুচ্ছেতে,  
প্রতিভারেই ঝাপটা মারি  
তৃণ্ড তৃণ্ড গুচ্ছেতে।  
গদ্য এবং পদ্য আমি  
লিখেই চলি হরদমে,  
হিংসা-ছালা বহেই চলি  
পড়ি না কই কদর্দমে!

৩

কাব্যে আমার ভাবের অভাব  
ব'র্তে আছে বান্ধনি,  
জমায় আসর ফাটা কাঁসর  
আমার ভাঙ্গা খঞ্জনী।  
বুঝলে না-ক' কাব্য আমার  
দেশের যত বর্করে,  
ভক্ত আমি রক্ত তাদের  
ঢালবো দ্বেষের খর্পরে।

# সোলার সাপ

সুমুখে ওটা কি চমকিয়ে দেখি  
কামড়াবে নাকি ফোঁস ক'রে,  
কি ভীষণ ইস্ এ-যে আশীবিষ  
মুখে পা দিতাম হুস্ করে।  
কাছে গিয়ে দেখি আরে ছি ছি একি  
ফণা গড়া এর অভ-ভরে,  
সোলা দিয়ে গড়া দেহ রঙ করা  
ঘাবড়ায় যত বর্করে।  
বাসুকী এ নয় করিয়ো না ভয়  
ধরে না ধরণী মস্তকে,  
রয়না এ হরি বেষ্টন করি  
নীলকণ্ঠের হস্তকে।  
নারায়ণ লাগি রচে না শয়্যা  
লাগে না সাগর-মহুনে,  
হউক ভয়াল নাহি-ক' ক্ষমতা  
গলে নাগপাশ বন্ধনে।  
লখিন্দরের লোহার বাসরে  
নাহি-ক' যাবার শক্তি রে,  
'মনসা-ভাসানে' এর গান কেহ  
গাহিবেনা করি ভক্তি রে।  
জন্মোজয়ের সর্প-যজ্ঞে  
ইহারে কেহই ডাকবেনা,  
গরুড় কখনো এ গড়া সাপের  
ঘরেরও খপর রাখবেনা।  
নকুল ইহারে করবেনা তাড়া  
শিখী কাছে এর ভিড়বেনা,  
সাপুড়েও হয় ভেঁপু বাজাইয়া  
এরে কাঁধে করে ফিরবে না।

BANGLADARSHAN.COM

ডমরুর রবে            নাচে না এ অহি  
হলাহল নাহি দন্তে রে,  
ঝাঁটা দিয়ে বিষ        ঝাড়িতে হয় না  
বিষ রোজাদের মন্তরে।  
যত পারে আহা        ছো মারুক ওটা  
খেলাক্ উহারে উচ্কিয়ে,  
ও-ফণা ভাঙিতে        চাহিনে যন্ত্র  
আপনিই যাবে মচকিয়ে।

BANGLADARSHAN.COM

# কল্পনার আলপনা

ভাবছ তুমি দেশটা নিয়ে  
নূতন কিছু করবে,  
এক ছাঁচেতে গলিয়ে ঢেলে  
নূতন কিছু গড়বে।  
ভাবছ তুমি দেশটা গোটা  
ধরবে হঠাৎ চিমটা লোটা,  
কিন্মা সবাই এক সাথেতে  
কলমা কোরাণ পড়বে।  
বলছে বিধি নয় তা' শ্রেয়  
নয়ক' তাহা কাম্য,  
এক ক্ষুরেতে শির মুড়ানো  
নয়কো সেটা সাম্য।

BANGLADARSHAN.COM

২  
ভাবছ তুমি একটা দিনে  
উঠিয়ে দেবে পর্দা,  
ভাঁজবে সবাই মোহন সুরে  
এক সাথে সর্ফর্দা  
ভাবছ নূতন কুস্তযোগে  
মিলবে সবাই মালসা ভোগে,  
এড়ু আর অশথ-বটে  
এক টবেতে ভরবে।  
বলছে বিধি নয় তা শ্রেয়  
নয়ক' সেটা কাম্য,  
এক মুখোসে সঙ সাজিলে  
হয় না সেটা সাম্য।

৩

পাহাড় এবং টিপি-টিলায়  
সমান করা শক্ত,

আছাড়ি' শির পাষণ 'পরে  
বাহির করা রক্ত।  
থাকবে অসি, থাকবে বাঁশী  
থাকবে হেতা কান্না হাসি,  
কোকিল এবং বাস্ত্ব ঘুঘু  
সমান ভাবে চরবে।  
থাকবে পাখী নানান্ রকম  
হাজার মাথা খুঁড়লে,  
হয় না তাদের সমান করা  
এক খাঁচাতে পূরলে।

৪

থাকবে টিকি থাকবে দাড়ী  
হ্যাট কি টুপী পাগড়ী,  
উর্দু তামিল বাঙলা বুলি  
ইংরাজী ও নাগরী।  
থাকবে 'ললিত' থাকবে 'বিভাস'  
'বেহাগে'র সে করুণ আভাষ,  
নয় খেয়ালের গণ্ডগোলে  
শান্তি খানিক হরবে,  
থাকবে ফুলের প্রভেদ নানা  
বর্ণে এবং গন্ধে  
খুঁজতে হবে সবার মাঝে  
সেই সে মকরন্দে।

৫

লক্ষ ভাষা খুঁজছে যেমন  
নিত্য কেবল জ্ঞানকে  
ধর্ম নানা তেমনি খোঁজে  
এক-সে ভগবানকে।  
মন্দিরেতে তাকেই পূজা  
মসজিদেতে তাঁকেই খোঁজো,

তঁকেই কেবল ব'রবে,  
থাকুক ফুলের প্রভেদ নানা  
হয় না তাহা নষ্ট,  
তবু মিলন-সূত্রে তারে  
গাঁথতে নাহি কষ্ট।

৬

বাঁধতে হবে মিলন-রাখী  
ভিন্ন-ভেদের মধ্যে,  
বাঁধতে ভাবে ছন্দ নানা  
একই বিরট পদ্যে।  
থাকুক গ্রহে নানান জ্যোতি  
অযুত বরণ, অযুত গতি,  
সবাই মিলে এক সাথে  
নিশার আঁধার হরবে।  
মার্কা মেরে উঠিয়ে দেওয়া  
বিশিষ্টতার চিহ্ন,  
চলবে না-ক' অন্য কোথাও  
পাগলা-গারদ ভিন্ন।

BANGLADARSHAN.COM



# শিমুলের টেকী

(এটা যেমন অসার তেমনি অবিশ্বাসী-যেমন ভীৰু তেমনি মিথ্যাবাদী)

শিমুলের টেকী-  
কোটে না-ক' চাল কি চিঁড়া  
সঙ এটা নেকি!  
বুদ্ধি কি মোটা  
আঁশ-কলাই আঁটা  
ভিতর ফাঁপা হঠাৎ আমার  
ভুল-হ'।

২

কোন্ কাজে লাগে-  
যব মাড়িতে পারবে কেন  
এই বোকা ছাগে?  
ঘুন-খেকো বাঁশে  
ভার কভু আসে  
খালসা শিখের কুর্ভি গায়ে  
বানর অভাগে।

৩

ইঁদুরের পালে-  
কামড়ে খেলে জীবন্ত এ  
কাঠের বিড়ালে।  
কাগজের হাতী  
দাঁতের কি ভাতি  
অলক-তিলক কে দিলে তার  
ফাটা কপালে।

এই গাধা ওরা-  
অশ্বমেধের যজ্ঞ-তুরগ  
হয় কেমন করে?

আর কারে দুষি  
কালপেঁচা পুষি  
কনক নূপুর পরালেও  
পেখম কি ধরে?

BANGLADARSHAN.COM

# গবেষণার তদন্ত

গোবর-গণেশ এসেছিলেন

গবেষণার তদন্তে

তর্ক হ'লো মৌমাছির

রুদন্তি কি মোদন্তে।

শুনছি তিনি মুক্তবোধে

পান করেছেন দুগ্ধ-বোধে,

ভাষ্য পড়ে হাস্য করেন

আপন মনে অ-দন্তে।

২

মনুর সাথে হনুর তিনি

মিল পেয়েছেন অনেকি,

সকল সময় সকল জিনিষ

রয় মণীষার মনে কি?

পড়েছিলেন পঞ্চদশী,

পঞ্চাধ্যায়ী রাসের ফুঁসি,

পঞ্চতন্ত্র পড়েই বটু

পটু হলেন বেদান্তে।

৩

সত্যেরি হয় স্তিমিত শিখা

তোমরা পার কি কর্তে,

গুব্রে পোকা নিভিয়ে দিয়ে

চলে গেলেন নেপথ্যে।

‘ভাঁজো’ পেয়ে দুধের কড়ি,

‘বেণা’বনের পথটা ধরি,

চলে গেলেন ধন্য করি

মিথ্যাবাদী মদন্ধে!

# কোষ্ঠীর রাজা

কেন্দ্রেতে রবি তার, শনি-গ্রহ মিত্র,  
কোষ্ঠীতে দেখ ভাবী ভাগ্যের চিত্র।  
তলোয়ার হবে তার সাত হাত লম্বা,  
নর্তকী হবে এসে উর্বশী-রম্ভা।  
হাতী ঘোড়া হবে তার, হবে তার কিস্তি;  
আসিবেন জলাধিপ কাঁধে লয়ে ভিস্তি।  
এক সাথে দিলে সায় গণকের গোষ্ঠী  
রাজা তারে করে দেবে কাগজের কোষ্ঠী।  
হবু রাজা দাবা বড়ে টিপিতেই ব্যস্ত,  
হেমতরী কাগজের বন্দরে ন্যস্ত।  
ভাষা দিয়ে আশা দিয়ে কে করিল ভঙ্গ,  
রাজাসন উবে গেল ক'রে একি রঙ্গ।  
রে গণক জুয়াচোর! মধু হ'ল নিম্ব-  
অশ্ব যে পলাইল রেখে তার ডিম্ব!

BANGLADARSHAN.COM

# দে'র দানসাগর

‘দে-দে’ ব’লে দোর ভেঙ্গে দেয়  
কাবলীওলার দোস্তু সে,  
কারবারী সে ন্যস্ত টাকার  
ব্যবসাদারও মস্ত সে।  
হস্ত পেতে র’য় সে বসি,  
তাগিদ পাঠায় অহর্নিশি,  
বঙ্গভাষার রঙ্গভূমে,  
ফকির জবর-দস্ত সে।

২

বর্ণমালার অগ্রদানী  
ভাট-ভিখারী সাহিত্যের,  
শব্দ-মরণ এই বেদুইন  
ধার ধারেনা দায়িত্বের।  
নকীব-সম দিন ফুকারে  
চায় সদা চায় যারে তারে,  
কূর্ম-পুরাণ হয়নি লেখা  
উহার পূরা মাহাত্ম্যের।

৩

ভাষার ভীষণ ভস্মলোচন  
দর্পণে নাই দৃষ্টি,  
আকাজ্জা তার গ্রাস করে ভাই  
গ্রাস করে এই সৃষ্টিটা।  
‘মুঁই ভুঁখা হুঁই’ বলছে জোরে  
দে বামা, দে মানুষ দেরে,  
রধির সাথে চামুণ্ডা চায়  
চাল কলা আর মিষ্টিটা।

এমন দে'র দানসাগরে  
হস্তি ঘোড়া মিলবে কি,  
হার ভাঙ্গা দ'র ডাগর পেটে  
জোয়ার ভাটা খেলবে কি?  
দানব দে'র-ই বংশ ও-টা  
ইচ্ছা উহার স্বর্গ লোটা  
হস্তে লোটা এই দরবেশ  
'দেলায়-দে-রাম' ভুলবে কি?

BANGLADARSHAN.COM

# চোর-কাঁটা

কি ল্যাটা তুই চাস লাগাতে  
চোর-কাঁটা মোর বলরে,  
প্রকাশ করে বল আমারে  
আর ছেড়ে দে ছলরে।  
ছুটছি আমি কাঁটার বনে,  
তোর ফোঁটাটাই জাগছে মনে,  
রোপণ করা হাতের ফসল  
নাই গোপনে ফলরে।

২

প্রথম দেখে ভেবেছিলাম  
কতই পাব সৌরভ,  
কণকচুরের বোয়ালি তুই  
হ'বি মাঠের গৌরব।  
নয়ত হ'বি দাদখানিরে,  
'দুধ-কলমা'র আধখানিরে,  
ন'স্ শ্যামা ঘাস তোর মূলেতে,  
বুথায় সেচা জলরে।

৩

অন্ততঃ তুই দূর্বা হলে  
পেতাম আশীষ কর্তে,  
'মুতা' হলে পে'ত না হয়  
গোধনগুলা চরতে।  
এ দুঃখ আর কারে বা কই,  
শেষে হ'লি চোর-কাঁটা তুই,  
ভাবতেও হয় আজকে আমার  
নয়ন ছল-ছল রে।

# ভীম

হে বৃকোদর তুমি-ই এসো  
আজকে তোমায় বরণ করি,  
বঙ্গভূমির যাজ্ঞসেনী  
কাঁদছে তোমায় স্মরণ করি।  
বিরাট পুরের অজ্ঞাত-বাস,  
আনুক নূতন আলোর আভাস,  
আজকে এসো ভয়াল দয়াল  
শঙ্কা নারীর হরণ করি।

২

বুক ফুলায়ে বেড়ায় কীচক  
নিত্য উপ-কীচক সাথে,  
ললনা-কুল লাঞ্ছিত আজ  
যেথায় সেথায় পশুর হাতে।  
এসো তুমি হে নিশ্চয়,  
অজার দলে বৃকের সম,  
লম্পটেরা লুটাক্ ধরায়  
গদাঘাত আর পদাঘাতে।

৩

রুদ্র এসো অনাচারী  
মন্থে মথন করো,  
ঘৃণ্য পাপের রাজ্যে তুমি  
পুণ্যে পুন বোধন কর।  
ভাঙ্গো দুর্ঘোষের উরু  
ভণ্ডকে দাও শাস্তি গুরু,  
দুঃশাসনের শোণিত-ধারায়  
ধরায় তুমি শোধন কর।



## পশু-পঞ্চবিংশতি

মুগ্ধ হয়ে বলছে ভেড়া ডাকটী শুনে গাধার  
ওস্তাদী ওই কালোয়াতী কণ্ঠ শোনো দাদার।

২

ছাগল বলে সিংহে পেলো চাঁটিই মারি আমি  
কোথায় দাড়ি? মেয়ের মত চুল রাখ বাঁদরামি।

৩

কইছে বিড়াল কুরঙ্গেরি পাছে পিছন ফিরি  
ওতেই গরব আ-মরি ও চোখের কিবা ছিরি।

৪

হাড়গিলা কয় টিয়ার দেহ বেয়ারা যে বড়  
কিবা গলা একেবারে ঘাড়ে মুড়ে জড়।

৫

ভালুক বলে নৃত্য ক'রে হয় না সুখী মন  
অরসিকের মধ্যে এয়ে রসের নিবেদন।

৬

উড়ে উড়ে ঘুরে ঘুরে বলছে কাকের পাল  
চুপ কর ভাই চুপ কর ভাই আজকে হরতাল।

৭

পঙ্গপাল কয় বসে খেতে দিচ্ছেনা ত কেহ  
কাজেই এখন আমাদিগের ধর্মঘটই শ্রেয়।

৮

পাউষেরি মীন শুনিয়া মেঘের দুরূ দুরূ  
বলছে হউক 'আড়া'র সাথে সত্যাগ্রহ সুরূ।

৯

গৃধ্র এবং শকুনি চিল ভাগাড় হয়ে পার  
খসড়া রচে অহিংসা ও শান্তি স্থাপনার।

১০

মেড়ায় মেড়ায় লাগলো লড়াই নেকড়ে হেসে ক'ন  
আয় তো'দিকে শিখিয়ে দিই স্বায়ত্ত্ব-শাসন।

১১

বোলতা বলে ভীমরুগলেরে চলছো কোথা মিতে  
মিতে বলেন Anti-Venom ইঞ্জেকসন দিতে।

১২

শকুনি কয় ইচ্ছা ছিল চন্দ্র-লোকে যাবার  
ফেলে গেলাম দূরবীণটা তাই নামতে হলো আবার।

১৩

ঝিঁ ঝিঁ সুধায় শশক কেন কাণটা খাড়া করে  
শশক কহে 'রেডিও' গান হচ্ছে আমার ঘরে।

১৪

বৃদ্ধ চিতা-ব্যাস্র দেখে মেঘের শিশু তাজা  
বলে স্নেহে বুক ভরিলি আয়রে কাছে বাছা।

১৫

ভেক বলিছে সাপ মরিলে করি' জীবন-বীমা  
করতে যাব এবার আমি ব্রজ-পরিক্রমা।

১৬

ভৌদর বলেন মৎস্য তাও সৃষ্টি করেন ধাতা  
আকাশ হতে ছো মারে চিল একি নৃসংশতা।

১৭

নড়তে নারে ধলা কুকুর বলছে হাতী দেখে  
ঘাস-খেকো জীব প্রাণটা নিয়ে পালা এখন থেকে।

১৮

জলহস্তীটা রাজহস্তীরে ডেকেই ধীরে কন  
তোমায় দিলাম ভারত, রেখে এ হৃদ দ্বৈপায়ন।

১৯

কাছিম বলে মনে পড়ে কূর্মপুরাণ লেখা  
দুঃখে নিজের আড়ালে রই, দিই-না বড় দেখা।

২০

বরাহ কয় ধরেছিলেন এরূপ ভগবান  
কি ঘোর কলি, আমারও আর নাইক সে সম্মান।

২১

পাণকৌড়ি কয় শিখী বেড়ায় লেজের গুমর করি  
ইচ্ছা করে লজ্জাতে এই জলেই ডুবে মরি।

২২

মাছ-রাঙ্গা কয় চতুর্দিকে পবিত্রতার অভাব  
ধর্ম্মে-কর্ম্মে ঘন ঘন স্নানটা আমার স্বভাব।

২৩

মৎস্য ধরে আনন্দেতে শুশুক ডেকে বলে  
ঢালছি দেহ মরণটা হয় যেন গঙ্গার জলে।

২৪

হংস কহে গরুড়পাখী কিসের কর গুমর  
আমার পাখার আঁচড়েতে নরকে করি অমর।

২৫

কোকিল বলে বাবুই তুমি শিল্পী চমৎকার  
বাবুই বলে প্রাণের কবি লওহে নমস্কার।

# কবি ও নায়েব

(একজন বড়শ্চেষ্টের নায়েব অহঙ্কার ভরে একজন-কবিকে চাকুরী ছাড়িয়া সরিয়া যাইতে বাধ্য করেন। কবি  
এক্ষণে ধনে মানে দেশ-বিখ্যাত, নায়েব নগণ্য)

কবি যখন কাব্য লেখেন নায়েব লেখেন থোকা  
নায়েব ভাবেন অলস তারে, কবি ভাবেন বোকা।  
কষ্টে কবি কাব্য ছাপেন রিক্ত ঝুলি ঝাড়ি  
নায়েব তখন গয়না গড়ান দমে বেজায় ভারী।  
কবি দেখেন ফুলের স্বপন, নায়েব ভাবেন টাকা  
মাইনে চেয়ে পাওনা বেশি, কাব্য সুধা-মাখা।  
কবি করেন পুষ্ট হৃদয় নয়ন-জলে প্রেমে  
নায়েব বিবেক তুষ্ট করেন তোষামোদে হেমে।  
প্রবলেরই মেষ তিনি যে, দীনের ফণি-ফণা  
উৎপীড়িতের বন্ধু কবি, হয় না বনি-বনা।  
কবি তারে সদয় হ'তে নরম হ'তে বলে  
মোষের পিঠ যে হয় না নরম যতই ঘৃত দলে।  
ঘুটিং থেকে রস নিঙাড়ে কোথায় এমন কল?  
কবির কাতর সব মিনতি যায় যে রসাতল।  
নায়েব শেষে কবির সাথে জুড়লে আড়াআড়ি  
ফিঙের সাথে স্ব-ইচ্ছাতে কোকিল গেল হারি।  
কচ্ছপেরা ঘাড় নাড়িল ভেক লাগাল গীত  
ব্রজবেগু হার মানিল পাঁচনটারি জিৎ।

# প্রকাশ

হে ভগবান ধন্য তুমি  
সাবাস্ তুমি সাবাস্,  
আজকে পেলাম অপ্রকাশের  
প্রকাশ হবার আভাস।  
রাঘব বোয়াল টোপ গিলে হয়,  
ডুবলো কবে মাঝ দরিয়ায়,  
আপল রুঢ় জানিয়ে দিলে  
গুপ্ত তাহার আভাস।

২

এক খেয়াতে পোড়লো বাঁধা  
বাছাই বাছাই শঠ,  
'গাইফক্সের' গোষ্ঠী-গোটা  
গান-পাউডার পুট।  
বাজলো হঠাৎ শিবের শিঙা  
আসলো উড়ে দারুণ ফিঙা,  
বৃথায় রে আর মাকড়সা তুই  
জালের কাছে লাফাস্।

BANGLADARSHAN.COM

# তুষের ধোঁয়া

তুলে নাও ঐকাজাত ঝেড়ে নাও পাঁজালি  
আর বেলা পড়ে এলো বৃথা কর পা-চালি,  
স'রে নাক যেতে মন  
নিঃশ্বাস ঘনে ঘন,  
হয় ভরা বরষার নিয়ে যায় হেঁজালি।

২

ক্রন্দন কেন আর বিনাইয়া ছন্দে  
দিন যত বড় হ'ক হবে তার সন্ধ্যা,  
টেকী তুমি বোকামির  
তোষামুদী নেকামীর,  
চলে যাও কাঁদে লুটা চকমকী চাঁচালি।

BANGLADARSHAN.COM

৩  
আইনের অপচার হে পেটুক অজগর  
ভণ্ডের ভাসুরক বুদ্ধির নাহি ঘর,  
যাও রাহু শনি হে  
দিন এত গণি হে,  
ভূত যাও প্রেতভূমে জ্বাল গিয়ে সাঁজালি

# আমার ঠাই

যারা নেহাৎ ঘুমায় জেগে,  
মুখে সদাই বাদল লেগে,  
হাওয়া খেতে হাস্য যাদের  
হাতায় নাহি যা'ন,  
ঘুরছে মঘা যাদের কাছে,  
ত্র্যহস্পর্শ লেগেই আছে,  
কুটিলতায় করকচে আর  
দরকচে সব প্রাণ,  
হে ভগবান হয় না যেন তাদের মাঝে স্থান।

২

যাদের বুকে আলোয় জলে,  
ফুল ফোটে না, ফল না ফলে,  
শিয়াল কাঁটায় ভরা যাদের  
মরা মরুদ্যান,  
কাঠঠোকরা যাদের মিতে,  
পেচক ডাকেন হুলু দিতে,  
ডোকরাতে আর ঠোকরাতে হয়  
জীবন অবসান,  
হে ভগবান হয় না যেন তাদের মাঝে স্থান।

৩

ফন্দী যেথায় আঁটছে সবে,  
ঘুরছে সদাই কি মতলবে,  
লেজের বহর হয় যেখানে  
তেজের পরিমাণ।  
নিরেট যত বোকার বাথান,  
নিন্দা রটান লোককে মাতান,

নাই-ক' গোটী লোটী-লোটী  
যাদের দুটী কীণ,  
হে ভগবান হয় নী যেন তাদের মীঝে স্থান।

BANGLADARSHAN.COM



# যদি

যদি তুমি বশে রেখে দিতে পার  
চঞ্চল তব চিত্তকে,  
ন্যাস বলে যদি ভেবে নিতে পার  
তুমি তব সব বিত্তকে,  
সম্পদে যদি বহে যেতে পার  
হয়েছে যে ভার-অর্পিত  
সম্পদে যদি বহিরন্তরে  
নাহি হও তুমি গর্বিত,  
প্রেমে আপনার করে নিতে পার  
যদি এ নীরস পৃথ্বীকে  
বিফলতা মাঝে বরে নিতে পার  
যদি চিরাগত সিদ্ধিকে,

BANGLADARSHAN.COM

সমভাবে যদি সতে যেতে পার  
তুমি সম্মান লাঞ্ছনা  
বঞ্চিত হয়ে যদি তুমি কভু  
“অপরে না কর বঞ্চনা,  
ভোগে উন্মুখ ত্যাগে উদ্গ্রীব  
সত্যেতে চির-বিশ্বাসী  
ধরণীর রস মধুপের মত  
যদি নিতে পার নিঃশেষি”,  
অভাবেও যদি ভাবের অলকা  
গড়ে নিতে পার বক্ষেতে  
সুখের মাঝারে হরির লাগিয়া  
যদি ধারণ বহে চক্ষেতে,

৩

না হয়ে ঘৃণিত ঘৃণা সহ যদি  
নিন্দা না কর নিন্দুকে,

বড় করে যদি নিজ চোখে দেখ  
নিজ ক্ষীণ দোষ-নিন্দুকে,  
ছোট করে যদি দেখ তুমি শুধু  
আপন সুনাম সুখ্যাতি  
আপনার যদি করে নিতে পার  
অপরের ক্লেশ-দুঃখাদি,  
মুক্ত গৃহেতে ঘুমাইতে পার  
যদি বিদ্রোহ-বিগ্রহে  
বিবেকের বুকে জুড়াইতে পার  
যদি অপমান-নিগ্রহে,

৪

অত্যাচারীকে বাধা দিতে পার  
পাহাড়ের মত নির্ভয়ে,  
আতুরের তুমি পাল্ল-পাদক  
যদি করুণার ক্ষীর বহে,  
এক সুরে যদি বেঁধে নিতে পার  
ভাব ভাষা আর কর্মকে,  
ধরা হ'তে যদি বড় করে তুমি  
দেখ মনে-প্রাণে ধর্মকে;  
বুঝিবে তখন মানুষ হয়েছ  
ঝরছে করুণা মস্তকে  
পরশ মাণিক এসেছে সুমুখে  
পেতে দিও দুটা হস্তকে।

BANGLADARSHAN.COM

# পালা-সাজ

এ-পালা সাজ হ'ল

এবার নূপুর খুলতে হ'বে,  
তুলিকার সখ মিটাতে  
রঙ যে নূতন গুল্তে হবে।  
বুঝি আর নাই-ক' দেরী  
বাজে ওই বিদায়-ভেরী  
তুরা এ বিরাট পুরী  
নৃত্য ও গীত ভুলতে হবে।

২

সারথী কোথায় যে রথ  
করবে খাড়া,

তার নাইক রে কুল  
নাই কিনারা।  
জোটাৰে কি সঙ্কেতে  
নাটকের কি অঙ্কেতে,  
ফোটাৰে কি রঙ্গিতে

তার দোলাতেই দুলতে হবে।

৩

সাগরের কল্লোল ওই  
আসছে কাণে  
জোয়ার ওই পৌর্ণমাসীর  
পশছে প্রাণে  
কি বিপুল রূপের আলো,  
জুড়ালো চোখ জুড়ালো,  
সখা এ 'তৃণীর' চলো  
শমীর-শাখে তুলতে হবে।

॥সমাপ্ত॥